



儀禮經傳通解

二十一

21
1.081
12



門 12
1021
卷 12

儀禮經傳通解卷第二十一

大射儀第三十五

經七

大射之儀○若有命我諸侯

[Faint bleed-through text from the reverse side of the page, including characters like 命, 諸, 侯, 射, 儀]



儀禮經傳通解卷第二十一

大射儀第三十五

邦國禮二之上

經七

大射之儀○君有命戒射將有祭祀之事當

命以之言君有命政教宜由尊者○疏曰知將

有祭祀之事當射者以下文射義而知也

宰戒百官有事於射者宰於天子冢宰治官

君命戒於百官○疏曰周禮大宰職云掌百

官之誓戒作大事則戒于百官贊王命鄭以

天子冢宰言之其實諸侯兼官無冢宰以司

徒兼之故聘禮注云宰上卿貳君事者諸

侯謂司徒射人戒諸公卿大夫射司士戒士

為宰是也射與贊者射人掌以射法治射儀司士掌國

也殊戒公卿大夫與士辨貴賤也贊佐也謂下
士佐執事不射者○疏曰上文宰官尊摠戒
此射人司士色別重戒之謂若天子官冢宰戒
百官宗伯大司寇之等重戒也此所云戒者
謂祭前旬有一日知者祭統云先期旬有一
日官宰宿夫夫人亦散齋七日致齋三日
又大宰云前期十日帥執事而卜日遂戒注
云前期前所誼之日也若然則卜及戒皆在
旬有一日矣
前射三日宰夫戒宰及司馬射人宿
日矣
視滌宰夫冢宰官屬掌百官之徵令者司馬
於天子政官之卿凡大射則合其六耦
滌謂溉器埽除射官○疏曰上文射人戒是
前期旬有一日此宰夫申戒是前射三日宿
是夕宿為前一一日宗伯宿視滌濯是也云凡
大射則合其六耦者大司馬職云若大射合
諸侯之六耦是將祭而射故使諸侯為
耦若其餘射則卿大夫以下為耦也

右戒百官

司馬命量人量侯道與所設之以狸步大夫
九十參七十千五十設之各去其侯西十北
十量人司馬之屬掌量道巷塗數者侯謂所
射布也量侯道謂去堂遠也容謂之之
所以為獲者之禦矢狸之伺物每舉足者止
視遠近為發必中也是以量侯道取象焉鄉
射記曰侯道五十弓考工記曰弓之制六
尺則此狸步六尺明矣大侯者熊侯謂之大
者與天子熊侯同參讀為糝糝雜也雜侯者
豹鷓而麋飾下天子大夫也干讀為犴犴侯
者犴鷓犴飾也大夫將祭於已射麋侯士無
臣祭不射○疏曰侯射布也三侯皆以布為
之而以皮為鷓侯旁亦以皮飾之即周禮
所謂容下文云以革為之所以為獲者之禦
矢以其可以容身故謂之容云云則言矢於
此之置不能去故謂之容也狸步先鄭謂
舉足為步於今為半步後鄭引射考工為
證者所以明步為六尺而非三尺也熊侯而

謂之大夫者言畿外諸侯亦得用也謂之大夫者言畿外諸侯亦得用也其數上同于天子而非畿內諸侯所可比故於熊侯加一大以別之然不嫌於偏上者天子三侯則虎侯熊侯豹侯諸侯不得用虎侯而以熊侯摻侯豹侯為三侯若畿內則但有熊侯豹侯此其所以別也云豹而麋飾下天子大夫也者司裘云卿大夫則共麋侯此則以豹皮為麋以麋飾其側不用純麋是下天子大夫也射鄭注周禮云胡犬射侯亦取捷點意大夫得置家臣故將祭得大射擇士六甲無臣故祭不遂命量人中車張三侯大侯之崇見得射也鵠於參參見鵠於于不及地武不繫左下

網設之西十北十凡之用革伯之屬掌裝衣

車者亦使張侯侯中類崇高也高必見鵠鵠所射之主射義曰為人君者以為君鵠為人臣者以為臣鵠為人父者以為父鵠為人子者以為子鵠言射中此乃能任已位也鵠之

言較較直也射者所以直已志或曰鵠鳥名射之難中中之為俊是以所射於侯取名也淮南子曰鵠知來然則所云正者正也亦鳥名齊魯之間名題肩為正正鵠皆鳥之捷點者考工記曰梓人為侯廣與崇方參分其廣而鵠居一焉則大侯之鵠方六尺糝侯之鵠方四尺六寸大半寸射侯之鵠方三尺三寸少半寸及至也武迹也中人之足長尺二寸以射侯計之糝侯去地一丈五寸少半寸大侯去地二丈二尺五寸少半寸凡侯北面西方謂之左前射三日張侯設之欲使有事者豫志焉○疏曰上文直命量人量侯道及之遠近之處此經論張侯高下之法也鄉射云之參侯道居侯黨之一西五步注云此之去侯北十丈西三丈此經云西十北十則西與北皆六丈不得為三分居侯黨之一者以其三侯入堂深故也西亦六丈者以三侯恐矢揚傷人與一侯亦異也三侯之下摠云西度於侯道云大侯之鵠方六尺者大侯侯道

九寸一弓 弓取二寸九寸八侯 中丈八尺二寸
 分其侯而鵠居一故知方六尺也云糝侯之
 鵠方四尺六寸大半寸者糝侯侯道七寸一弓
 弓取二寸則侯中丈四尺三分其侯而鵠居
 故知方四尺六寸大半寸也云豨侯之鵠
 方三尺三寸少半寸者豨侯侯道五寸一弓
 取二寸則侯中方一丈三分其侯而鵠居一
 故知方三尺三寸少半寸也凡言大半寸者
 三分寸之二少半寸者三分寸之一豨侯侯
 中一丈上躬下躬及上舌下舌各二尺合八
 尺是丈八尺矣張法豨侯下網不及地尺二
 寸則上綱去地丈九尺二寸也糝侯侯中丈
 四尺併躬與舌八尺為二丈二尺也鵠居侯
 中三分之二則鵠下有四尺六寸大半寸通
 躬與舌四尺為八尺六寸大半寸張法糝侯
 下畔與豨侯之上綱齊所謂見鵠於豨自餘
 鵠下畔八尺六寸大半寸為豨侯所掩自豨
 侯上綱計之本去地丈九尺二寸除八尺六
 寸大半寸在掩是糝侯下網去地一丈五寸
 少半寸通上綱計之去地三丈二尺五寸少

半寸大半侯侯中丈八尺併躬與舌上下各四
 尺為二丈六尺張法大侯鵠下畔與糝侯上
 綱齊所謂見鵠於糝二分侯中則鵠下亦有
 六尺通躬與舌四尺為一丈為糝侯所掩自
 糝侯上綱計之本去地三丈二尺五寸少半
 寸除一丈在掩猶有二丈二尺五寸少半寸
 在是是大侯下網去地之數通上綱計之去
 地四丈八尺三寸少半寸故注依此云也樂

人宿縣于阼階東笙磬西面其南笙鐘其南

鑄皆南陳 秋傳曰太族所以金奏贊陽出滯
 姑洗所以修絜百物考神納實是以東方鐘
 磬謂之笙皆編而縣之周禮曰凡縣鐘磬半
 為堵全為肆有鐘有磬為全鑄如鐘而大奏
 樂以鼓鑄為節○疏曰陽氣起於子盛於午
 故東方為陽中也太族正月之管奏之所
 贊陽出滯姑洗三月之管奏之所修絜百
 物東方陽管唯有此二律故據此言之是以
 名東方鐘磬為笙也磬非應律之物而與鐘

同言笙者以其與鐘同十六枚而在一處與
 鐘同編又同宮故兼言磬是以磬師職云掌
 教擊編鐘是磬與鐘同編也凡縣鐘磬半為
 堵全為肆者周禮小胥職文鄭彼注云半之
 者謂諸侯之卿大夫士也諸侯之卿大夫半
 天子之卿大夫天子之卿大夫判縣東西各
 有鐘磬是全之為肆諸侯卿大夫雖同判縣
 半天子卿大夫取一相鐘磬分為兩相西縣
 鐘東縣磬是半之為堵而天子之士特縣直
 東有鐘磬是亦全之為肆諸侯之士直特縣
 半天子之士縣磬而已或於階間或於東方
 是亦半之為堵又天子宮縣四面皆有諸侯
 軒縣關南面皆面皆有鐘磬鑄鼓卿大夫士皆
 無鑄若若有鑄則諸侯臣半天子臣不得具是
 以闕之云奏樂以鼓鑄為節者按周禮鑄師
 云掌金奏之鼓注云謂玉擊晉鼓以奏其鐘
 鑄也以此言則先擊鼓建鼓在阼階西南
 後擊鐘鑄皆與樂為節建鼓在阼階西南
 鼓應磬在其東南鼓建猶樹也以木貫而載
 之樹之附也南鼓謂所

伐面也應磬應朔磬也先擊朔磬應磬應之
 在東縣南為君也○疏曰下西面北一面建鼓
 皆言下此建鼓不言下者彼在本方故須言
 一見無他鼓此鼓本東方以為君故移來在
 北方故異其文不言一也明堂位云殷楹鼓
 周縣鼓注云楹為柱貫中上出也縣縣之
 於籥虞也此云以木貫而載之則為之柱貫
 中上出一也周人縣鼓今言建鼓則殷法也
 主於射略於樂故用先代鼓云鼓不在東縣
 南為君者決下建鼓在其南東鼓者為西
 實復不在東縣北者取順君面故也西
 階之西頌磬東面其南鐘其南鑄皆南陳一
 建鼓在其南東鼓朔磬在其北言成功曰頌
 物之所成春秋傳曰夷則所以詠歌九則平
 民無武無射所以宣布哲人之令德示民軌
 義是以西方鐘磬謂之頌朔始也奏樂先擊
 西磬樂為實所由來也鐘不言頌磬不言東

鼓義同省文也古文頌為庸○疏曰夷則無射主西方成功收藏故稱頌頌者美盛德之形容也九則謂六府三事九功之德以此九則功成於季秋先王之業以農為本故云示民軌義謂軌法義理也賓自外來位在西其樂主為樂賓故先擊朔磬應聲應之也古文頌為庸其義亦通尚書云笙庸以間笙東方庸西方是庸亦一建鼓在西階之東南面言其國君於其羣臣備三面爾無鍾磬有鼓而已其為諸侯則軒縣○疏曰國君合有三面為辟射位又與羣臣射闕北面無鍾磬鑄直有一建鼓而已故不言南鼓而言南面也若與諸侯饗燕之類則依諸侯蕩在建鼓之間軒縣三面皆有鼓與鍾磬鑄蕩在建鼓之間蕩竹也謂笙簫之屬備於堂○疏曰禹貢注篠蕩既敷注亦云蕩竹也下云乃管新官注云管謂吹蕩則此蕩管也按小師職注云管如遂而小併兩而吹之今大子樂官有焉爾

雅云大笙謂之巢小者謂之和簫大者二十管長尺四寸小者十管長尺二寸大笙十九管小者十三管若然笙簫與管器異以其皆用竹故云笙簫之屬也管擬吹之不倚在兩建鼓間故鼓倚于頌磬西紘鼓如鼓而知備於堂也鼓倚于頌磬西紘編磬繩也設鼓於磬西倚于紘也王制曰天子賜諸侯樂則以祝將之賜伯子男樂則以鼗將之○疏曰按那詩云猗與那與置我鼗鼓鄭讀置為植植鼗鼓者為楹貫而樹之鼗雖不植貫而搖之亦植之類與鼓同文是如鼓而小也眠瞭職云掌凡樂事播鼗擊頌磬笙磬言擊非鼓言播播為搖之可知鼗鼓所以節樂賓至乃樂作故於賓至搖之以奏樂也紘若天子諸侯冕而朱紘用組之類磬又編縣之用故知紘編磬繩也鍾磬皆面向東人居其前西面故知鼗在磬西倚之於紘也

右張侯設樂○周禮射人以射灋治射儀

王以六耦射三侯三獲三容樂以騶虞九節五正諸侯以四耦射二侯二獲二容樂以狸首七節三正孤卿大夫以三耦射一侯一獲一容樂以采蘋五節二正士以三耦射一侯一獲一容樂以采芣五節二正射法王射之禮治射儀謂肄之也鄭司農云三侯虎熊豹也九節析羽九重設於長杠也正所射也詩云終日射侯不出正者二侯熊豹也玄謂三侯者五正三正二正之侯也二侯者三正二正之侯也一侯者二正而已此皆與賓射於朝之禮也考工梓人職曰張五采之侯則遠國屬遠國謂諸侯來朝者也五采之侯即五正之侯也正之言正也射者內志正則能中焉畫五正之侯中朱次白次蒼次黃玄居外三正

損玄黃二正去白蒼而畫以朱綠其外之廣皆居侯中參分之三中二尺今儒家云四尺曰正二尺曰鵠鵠乃用皮其大如正此說失之矣士與士射則以射皮飾侯下大夫大夫也大夫以上與賓射侯以雲氣用乘各如其正九節者五節者奏樂以為射節之差言節者容侯道之數也射義曰明乎其節之志以不失其事則功成而德立行

厥明司宮尊于東楹之西兩方壺膳尊兩甒在南有豐幕用錫若締綴諸箭蓋幕加勺又反之皆玄尊酒在北膳尊君尊也後陳之尊以為若井鹿盧其為字從豆曲聲近似豆大而而聾矣幕覆尊中也錫細布也締細葛也箭篠也為幕蓋卷辟綴於篠橫之也又反之為覆勺也皆玄尊二者皆有玄酒之尊重本也

酒在北尊統於君南為上也唯君面尊言專
 惠也今文錫或作錫絺或作絺古文箭作晉
 ○疏曰按燕義諸侯射先行燕禮此陳設器
 物與燕禮同但文有詳略耳鹿盧即下棺
 碑間重鹿盧之類其形兩頭大而中央小今
 見井上豎柱夾之以索繞而挽之是也其為
 字從豆為形以曲為聲既用豆為形故其制
 還近似豆但豆口徑尺柄亦長尺其制小
 而高此承尊之豐口足徑各宜差寬中央亦
 大其高尺比於豆差短故云近似豆而異但
 斲一木為之取其安穩此豐若在宗廟或
 兩君燕亦謂之坵致爵於其上錫細布者喪
 服記曰錫者十五升抽其半無事其縷有事
 其布曰錫故知錫是細布也謂之錫者治其
 布使之滑易也唯君面尊謂人君燕臣子專
 其恩惠故尊卑嚮君若鄉飲酒尊于房戶之
 間賓主夾之則尊士旅食于西罇之南北面
 不得專尊矣

兩罇

旅衆也士衆食未得正祿謂庶人在
 官者罇罇變於方也賤無玄酒○疏

尊士旅食于西罇之南北面

曰前設縣時罇南更有一建鼓今設尊不應
 在鼓北而云罇南者其實在鼓南門西北面
 與燕禮同而云罇南者造繼罇而
 言必繼罇者樂以縣為主故也

侯之之東北兩罇獻酒

為隸僕人巾車參侯
 紆侯之獲者獻讀為

沙酒濁特澆之必摩沙者也兩罇皆沙酒
 郊特牲曰汁獻澆于醖酒服木之尊侯時而
 陳於南統於侯皆東面○疏曰知為隸僕及
 獲者以其皆有切又下文以此尊獻之也知
 沙酒濁者以五齊從下向上差之醖沈清於
 泛醴鬱鬯又在五齊之上故知也云特澆之
 必摩沙者也者此解名沙酒之意引郊特牲
 者此以五齊中取醖酒益齊澆鬱鬯之事也
 獻沙也澆澆鬱鬯之時和益齊以手摩沙出其
 香汁澆清也澆之使清也此為隸僕以下卑
 賤之人而獻鬱鬯者此所得獻皆因祭侯謂
 侯之神故用鬱鬯也知此不為大侯服不設
 者以下文云服之不之尊東設洗于阼階東南
 面南上故云侯時而陳也

壘水在東，篚在洗，西南陳設，膳篚在其北，西

面。或言南陳，或言西面，異其文也。○疏曰：言南陳，亦西面，言西面，亦南陳，其實所從，言異尊君。

又設洗于獲者之尊，西北水在洗，北

篚在南，東陳。亦統於侯也。無爵因服，不也。有

時而陳於其南。○疏曰：言亦統者，因上文設尊兩獻酒注而云也。小臣設公

席于阼階，上西鄉，司宮設賓席于戶西南面

有加，席鄉席賓，東東上，小鄉賓，西東上，大夫

繼而東上，若有東面者，則北上，席工于西階

之東，東上，諸公阼階，西北面，東上。唯賓及公

其餘樹之於位後耳。小鄉命於其君者，也。席於賓，西射禮，辨貴賤也。諸公大國有孤鄉，一

人與君論道，亦不典職，如公矣。○疏曰：知賓

及公，席布之，其餘樹之於位後者，下文更有

孤，卿大夫，席文，故知也。此實未布而

者，欲辨尊卑也。孤尊而後，言之者，有無不常

定也。小鄉命於其君者，按王制云：大國三卿，

皆命於天子，次國三卿，二卿，命於天子，一卿，

命於其君，小國亦三卿，一卿，命於天子，二卿，

命於其君，若言小鄉，據次國已下有之射禮

辨貴賤者，決燕禮大小鄉，皆在尊，東西無小

卿位，彼主於燕，不辨貴賤，故也。云與君論道

亦不典職，如公矣者，官饌，百官各饌，其所當

約成，周建官之意。禮言宰，此言官者，欲見非

獨宰，故鄭云：百官各饌。

右陳器設位具饌

義定。烹肉孰也。射義曰：諸侯之射，射人告具

于公，公升，即位于席，西鄉，小臣師納諸公鄉

大夫諸公卿大夫皆入門右北面東上士西方東面北上大夫在干侯之東北北面東上士旅食者在士南北面東上小臣師從者在東堂下南面西上大夫在干侯東北士旅食者在士南為有侯入庭深也小臣師正之佐也正相君出入君之大命也○疏曰燕禮士旅食者立于門西東上此不繼門而在士南繼士者為有侯故入庭深也下有小臣正正長也故以師為佐小臣正如天子大僕職解之也公降立于阼階之東南南鄉小臣師詔揖諸公卿大夫諸公卿大夫西面北上揖大夫大夫皆少進亦以告也變爾言揖亦以告也變爾言揖

此入庭深故不言爾而言揖揖之而已不須移近之也云云上言大夫誤衍者以其大夫與公卿而有異故下別言大夫少進明上言大夫誤衍大夫大夫四字也

右即位

大射正擯大射正射人之長擯者請賓公曰命某為

賓其木夫名擯者命賓賓少進禮辭命賓者東面南顧辭辭以

又命敏反命以賓之辭告於君又命之賓再拜稽首受命

復擯者反命賓出立于門外北面公揖卿大夫升就席小臣自阼階下北面請執幕者與

羞膳者請士可使執君兩瓶之幕及羞膳者庶羞於君者方園壺獻無幕○疏曰

知請士者據燕禮而知云方園壺獻無幕乃命

幕者方園壺臣尊獻獲者尊皆無幕

執事者執事者升自西階立于尊南北面東

上命者於西階前以公命命之東上執事者

之命者於西階前以公命命之東上執事者

階立於房中西面南上不言命者不升堂略

之命者於西階前以公命命之東上執事者

在東堂下於階請公命乃就西階請執事

者以其執事者士位在西故也云羞膳者從

而東者已於燕禮釋訖云不升堂者但不

由南方升階之升自北堂是亦升堂矣膳

宰請羞于諸公卿者膳宰請者異於君也

命於臣略之

右請立賓及執事者

擯者納賓賓及庭公降一等揖賓賓辟

及至

遂進不敢當盛○疏曰公降一等揖賓賓

賓至位就席者以下賓與主人為禮禮不參

故

不請也此言賓辟公升即席

以賓將與主人

燕禮不言文略也

奏肆夏

肆夏樂章名今亡呂叔玉云肆夏時

歌其詩曰明昭有周式序在位又曰我求懿

德肆于時夏奏此以延賓其著宣王德勸賢

與周禮曰賓出入奏肆夏○疏曰周禮鍾師

長豐徑專通年

卷二十一

十一

至再拜賓各再拜主人宰夫也又掌賓客之

親獻以禮莫敢亢禮

右納賓

主人降洗洗南西北面賓將從降鄉之不正於

鄉飲酒鄉射主人降洗洗北南面是正主人

降階西東面主人辭降賓對對主人北面盥

坐取觚洗賓少進辭洗主人坐奠觚于篚興

對賓反位賓少進者所辭異宜違其主人卒

洗賓揖乃升升尊也主人升賓拜洗主人賓右

奠觚各拜降盥賓降主人辭降賓對卒盥賓

揖升主人升坐取觚取觚將就執帛者舉帛

主人酌膳執帛者蓋帛酌者加勺又反之反之

主人酌膳執帛者蓋帛酌者加勺又反之反之

主人賓右拜送爵賓既拜於筵前宰胥薦脯

醢宰胥宰官之吏也賓升筵庶子設

折俎射記曰賓俎脊解肺不使膳宰設俎

興取肺坐絕祭齎之興加于俎坐挽手執爵

遂祭酒興席末坐啐酒降席坐奠爵拜告旨

執爵興主人各拜降席席西樂闋闋止也樂

也旨美也

之禮盛於上也。○疏曰：此經與燕禮皆賓及庭奏肆夏，賓拜酒，主人答拜，而樂闋郊特牲，賓入大門而奏肆夏，又曰：卒爵而樂闋，與此不同者，彼注謂朝聘者，故卒爵而樂闋，此燕禮已，臣子之法，故啐酒而樂闋也。云：尊賓之禮，盛於上者，賓及庭而奏肆夏，至升堂飲酒，樂乃止，是尊賓之禮也。賓西階上北面坐，卒爵興坐奠爵，拜執爵興，主人答拜。

右主人獻賓

賓以虛爵降，既卒爵，主人降，賓洗南西北面坐，奠觚少進，辭降，主人西階西東面少進對，賓坐取觚奠于篚下，盥洗，主人辭洗，賓坐奠觚于篚，興對卒洗及階，揖升，主人升拜。

洗如賓禮，賓降盥，主人降，賓辭降，卒盥，揖升。

酌膳執事如初，以酢主人于西階上，主人北面拜受爵，賓主人之左拜送爵，乃於左拜，凡授爵鄉所受者，主人坐祭，不啐酒，辟正主也，未不拜。

酒，主人之義，燕禮曰：遂卒爵興坐奠爵，拜執爵興，賓答拜，主人不崇酒，以虛爵降，奠於篚。

不崇酒，辟正君也，崇，充也，賓降立于西階西東面，既受獻矣，不敢安盛，○疏曰：以堂上為盛，故降下，下文於酬，賓降，進西東南南面立，注云：不立於序內，位彌尊，燕禮注云：位彌尊，禮彌卑，是未酬已前禮盛者也，擯者以命升，賓賓升立于西序東面，命，公命也，東西，牆謂之序，○疏。

儀禮經傳通解 卷二十一 十三

儀禮經傳通解卷之二十一
曰知公命者命
由尊者出也

右賓酢主人

主人盥洗象觚升酌膳東北面獻于公象觚有

象骨飾者也取象觚東面不言實之變於燕
○疏曰取象觚東面者鄉公為敬故也燕禮
云實之主人於飲酒此云酌不以云
實之主人於射略於飲酒故也公拜受爵乃

奏肆夏言乃者其節異於賓○疏曰賓及庭
奏此君受爵乃奏是其節異故也云

乃者緩
辭也主人降自西階阼階下北面拜送爵

宰胥薦脯醢由左房庶子設折俎升自西階

自由也左房東房也人君左右房鄉射記曰
主人俎脊脅臂肺也○疏曰人君有左右房
故云左房大夫士東房而已
故不言左以無右所對故也公祭如賓禮庶

子贊授肺不拜酒立卒爵坐奠爵拜執爵興

凡異者君尊變於賓○疏曰使庶子授
肺不拜酒立卒爵之等皆異於賓也主人

谷拜樂闋升受爵降奠于篚

右主人獻公

更爵洗升酌散以降酢于阼階下北面坐奠

爵再拜稽首公谷拜更易也易爵不敢襲
至尊古文更為受主

人坐祭遂卒爵興坐奠爵再拜稽首公谷拜

主人奠爵于篚

右公酢主人

主人盥洗升酌膳觚于賓酌散西階上坐奠爵

拜賓西階上北面答拜

也勝送也散方壺之酒也古文勝皆作騰

主人坐祭遂飲賓辭卒爵興坐奠爵拜執爵

與賓答拜

辭者辭其代君行酒不立飲也此於正主酬也○疏曰上文公飲立

卒爵此則坐飲故以公決之云此於正主酬也

主人降洗賓降主人辭降賓辭洗卒洗賓揖

升不拜洗

不拜洗而禮殺也主人酌膳賓西階上拜

受爵于筵前反位主人拜送爵賓升席坐祭

酒遂奠于薦東

遂者因坐而奠之○疏曰云云

酒遂奠于薦東奠之者酬不舉也○疏曰云云

主人降復位賓降筵西東

主人降復位賓降筵西東

南面立

賓不立於序內位彌尊○疏曰按鄉

禮鄉卑位稍尊此在席西東面位彌尊禮彌

卑

右主人酬賓

小臣自阼階下請勝爵者公命長

命之使選

中卿則尊士則卑○疏曰知不取年長及

則尊用士則卑故不取之是知用卿

而取下大夫尊卑處中者小臣作下大夫二

人勝爵使勝爵者阼階下皆北面再拜稽首

公答拜再拜稽首勝爵者立于洗南西面北

上序進盥洗角觶升自西階序進酌散交于

楹北降適序次第也猶代也先者既酌右還而阼階下皆奠與後酌者交於西楹北相左侯於解再拜稽首執解興

公答拜西階上乃降往來以右為勝爵者皆坐祭遂

卒解興坐奠解再拜稽首執解興公答再拜

勝爵者執解待于洗南君命一二人請致者小臣請致者

若命皆致使一人與二人則序進奠解于篚

阼階下皆北面再拜稽首公答拜勝爵者洗

象解升實之序進坐奠于薦南北上降適阼

階下皆再拜稽首送解公答拜既酌而代進

交於東楹北亦相左奠於薦南不敢必君舉

○疏曰言亦者亦前酌酌自飲時相左於西

楹之北時後者南相東向先者北相西向

西階右旋北面待後至降也今此二人先者

於尊西東面酌訖於東楹之北東向向公前

奠之右旋於東楹之北北畔西過後者亦於

尊西東面酌訖於東楹之北南過東向於公

前奠之是亦交於楹北相左也云奠於薦南

不敢必君舉者凡舉者於右不舉者於左今

奠於薦左是不舉之處故云不敢必君舉也

勝爵者皆退反位夫初與卿在門右北面得

揖少進中庭北面今當反庭中位而立云門

右北面位者大夫雖得揖少進仍是門右北

面位少進而已故鄭還以門右北面言之

右勝爵于公

公坐取大夫所勝解興以酬賓賓降西階下

再拜稽首小臣正辭賓升成拜公起酬賓於

就卑也正長也小臣長辭變於燕升成拜復

再拜稽首先時君辭之於禮若未成然○疏

曰燕禮主歡直使小臣辭此射公坐奠觶

禮辨尊卑故使小臣長辭也公坐奠觶

拜執觶與公卒觶賓下拜小臣正辭賓升再

拜稽首不言成拜者為拜故下實未拜也下

拜因上事言下拜○疏曰自此已下皆云公

答拜不言再拜燕禮皆言公答再拜不同者

燕主歡不用尊卑故公拜皆再拜此射禮主

辨尊卑故答拜者止答一拜周禮大祝辨九

拜七曰奇拜是也云下亦降也者此非訓下

為降故以發端言降拜因上事言下拜直因

降有上文即云下也經云公卒以觶賓下拜者

公尊不拜既爵賓降拜若為君拜既爵也

公坐奠觶答拜執觶與賓進受虛觶降奠于

篚易觶興洗賓進以臣道就君受虛爵君不

更自敵以下言易更作新易有故之辭也不

言公酬賓於西階上及公反位者尊君空其

也文公有命則不易不洗反升酌膳下拜小臣

正辭賓升再拜稽首公答拜不易君義也賓

告于擯者請旅諸臣擯者告于公許也賓

欲下以次序賓以旅大夫于西階上擯者作太

夫長升受旅作使也使之長初賓大夫之

右坐奠觶拜執觶與大夫答拜賓在右相飲

賓位在左而在大夫之右者賓坐祭立卒觶

云不相讓者於尊者言更自敵以下言易此
實於卿是敵以下當言易今言更者尊卿
尊卿則卑大夫辯受酬如受賓酬之禮不祭
賓禮殺也
酒卒受者以虛解降奠于篚復位卒猶已也
編○疏曰言復位者亦如上復
門右北面位即庭中北面位也

右公為賓舉旅

主人洗觚升實散獻卿于西階上酬賓而後

司宮兼卷重席設于賓左東上言兼卷於

禮成司宮兼卷重席設于賓左東上則每卿
於酬司宮兼卷重席設于賓左東上則每卿
異席重席蒲筵緇布純席卿言東上統於君
席自房來○疏曰上文設席之下注謂唯賓
及公席布之其餘樹之於位後至獻卿乃布
之則此云兼卷者不謂至是始卷之直是鋪
設之時兼卷也
卿升拜受觚主人拜送觚卿辭

重席司宮徹之徹猶去也重席雖非加乃薦

脯醢卿升席庶子設折俎俎折俎未聞蓋用

俎者射禮尊○疏曰卿射記云賓俎脊解肺
主人俎脊脅肺又獲者之俎折脊解肺膾彼
注云膾若膾解之拆以大夫之餘體以此
言之則此賓俎亦用脊脅肩肺君俎亦脊脅
臂肺前體有肩臂膾後體有膾膾尊卑以
次用之故卿宜用膾若君公公用膾卿宜用
膾也云卿有俎者射禮尊者對燕卿坐左執
禮不辨尊卑故公卿等皆無俎也

爵右祭脯醢奠爵于薦右興取肺坐絕祭不

齎肺興加于俎坐挽手取爵遂祭酒執爵興

降席西階上北面坐卒爵興坐奠爵拜執爵

興陳酒肴君之惠也不齎啐事在射臣之意

有功君與之燕恩及於卿故卿不敢啐也卿有無俎者自然不齊也主人答拜

受爵卿降復位復西面位不酢辟君辯獻卿主人以虛

爵降奠于篚擯者升卿卿皆升就席若有諸

公則先卿獻之如獻卿之禮席于阼階西北

面東上無加席公孤也席之北面為大尊屈則親寵苟敬私昵之坐

右主人獻孤卿

小臣又請媵爵者二大夫媵爵如初請致者

若命長致則媵爵者奠觶于篚命長致者使

也公或時未一人待于洗南不致者一人致長致者阼

階下再拜稽首公答拜再拜稽首洗象觶升

實之坐奠于薦南降與立于洗南者二人皆

再拜稽首送觶公答拜奠於薦南先媵者上

如初共勸君飲之

右再媵爵

公又行一爵若賓若長唯公所賜一爵先媵

也若賓若長禮殺也長孤卿之尊者也於此是

言賜射禮明尊卑○疏曰按燕禮言唯公所

酬此言所賜以旅于西階上如初賜賓則以

是以決之也大夫卒受者以虛觶降奠于

篚

則以酬賓大夫卒受者以虛觶降奠于

右公為賓若孤鄉舉旅

主人洗觚升獻大夫于西階上大夫升拜受

觚主人拜送觚大夫坐祭立卒爵不拜既爵

主人受爵大夫降復位既盡也大夫卒爵不拜既爵不備禮

此注云賤不備禮燕禮注云云賤不備禮昏薦主人于洗

北西面脯醢無胾胾宰官之吏主人下大夫

薦于上辟正薦于上辟正辯獻大夫遂薦之繼賓以西東

上若有東面者則北上卒擯者升大夫大夫

皆升就席辯獻乃薦略賤也亦獻後布席也

薦之下文更明疏曰上擯言辯獻大夫乃一時是獻訖降階獻擯者乃擯升之就席就席

訖乃薦之

右主人獻大夫

乃席工于西階上少東小臣納工工六人四

瑟工謂瞽朦善歌諷誦詩者也六人大師少

對疏曰云禮大樂衆也者僕人正徒相大師

僕人師相少師僕人士相上工徒空手也僕

長師其佐也士其吏也天子視瞭相工諸侯

兼官是以僕人掌之太師少師工之長也凡

國之瞽矇正焉杜蒯曰曠也大師也於是分

別江及相者射禮明貴賤○疏曰以正為長

師為衆故云僕人正為長僕人師為佐也士

在僕人之下故知僕人之吏則府史之類

也相者皆左何瑟後首內弦擗越右手相謂

上工者後首主於射略於此樂也內弦擗越
 以右手相工由便也越瑟下孔所以發越其
 聲者也古文後者徒相入謂相大師少師者
 後首為後主後者徒相入也上列官之尊卑
 此言先後之位亦所以明貴賤凡相者以工
 出入○疏曰上列官之尊卑謂先言僕人正
 與大師後言僕人土與上工是列官尊卑也
 此陳先後則上工在前大師少師在後是先
 後之位入時行位既然則升堂與坐之位亦
 依此也云凡相者以工出入者欲見入時如
 此出時亦然小樂正從之從大師也後升者變於
 師也○疏曰燕禮樂正先升又不使升自西
 小樂正後主於樂此則略於樂故也升自西
 階北面東上人坐授瑟乃降相者也降立
 ○疏曰鄉飲酒注云降立于西左近小樂正
 其事以取近其事故在西縣之北也小樂正
 立于西階東不統於工明工雖眾位猶在此
 ○疏曰云不統於工明工雖眾

位猶在此者決燕禮工四人樂正升立于工
 之西在西階東不統于工此雖六人眾於彼
 猶統于階而云西階東不變若使小樂正
 通之於工恐工位移近西故猶統于階也
 歌鹿鳴三終鹿鳴小雅篇也入君與臣下及
 也言已有旨酒以召嘉賓與之飲者樂嘉賓
 之來示我以善道又樂嘉賓有孔昭之明德
 所則傲也歌鹿鳴三終而不歌四牡皇
 皇者華主於講道略於勞苦與諮事主人
 洗升實爵獻工工不興左瑟工歌而獻之
 獻工辟正主也獻不用觸工賤異之也工不
 興不能備禮左瑟便其右大師無瑟於是言
 左瑟者節也○疏曰鄉飲酒鄉射云大師則
 為之洗謂君賜之樂者其餘工不為之洗是
 正主法今此工六人皆為之洗故云辟正主
 也必知同洗者以其更無別獻之文故知同
 洗也燕禮大射獻賓獻卿大夫皆用觸而獻
 工用爵故云異之鄉飲酒鄉射獻同用爵者

變於君故也上言獻工下言一人拜受爵則
 六人皆在工內而云工不與左瑟於是明大
 師亦入左瑟中故須云大師無瑟於是言左
 瑟者以其六人摠當獻酒之節故摠入左瑟
 文不謂一人拜受爵賤同之也云拜於席○
 疏曰鄉飲酒鄉射云大師則為之洗則知此
 一人謂大師不云大師對君工賤不異其文
 故同之而主人西階上拜送爵薦脯醢
 於大夫○疏曰按文云辯獻大夫遂薦之
 此工得獻不待辯輒薦之故云變於大夫也
 使人相祭使人相者相其祭酒○疏曰
 薦脯醢之下正明二者皆祭也若卒爵不拜主
 人受虛爵衆工不拜受爵坐祭遂卒爵辯有
 脯醢不祭相者相其祭酒而已主人受爵降奠于篚復

位大師及少師上工皆降立于鼓北羣工陪
 于後鼓北西縣之北也言鼓北者與鼓齊面
 於餘長在後也羣工陪于後三人為列也
 於是時小樂止亦降立於其南北面工立僕
 人立於其側坐則在後考工記曰鼓人爲臯
 陶長六尺有六寸○疏曰知鼓北是西縣之
 北者以下文大師少師始遷向東明此降在
 西縣之北可知云言鼓北者與鼓齊面餘長
 在後也者按前列樂縣之時鼓在鐻南今不
 言在鐘磬之北遙據鼓而言之者欲取形大
 又面向東工亦面向東故遙取鼓面也言餘
 長在後者欲見鼓長六尺六寸工面與鼓面
 齊鼓有餘長在人後矣言此者工與鼓前
 齊後面不齊之意也云羣工陪于後三人為
 列也者大師後有工二人少師後亦有工二
 人故云三人為列也云於是時小樂止亦降
 立於其南北面者亦約遷樂於東方工西面
 樂正北面言亦者亦東方也云工立僕人立
 于其側坐則在後者亦約遷樂東方時面位

得_レ知也考_レ土記曰韞人爲_レ臯陶先_レ鄭云韞書
 或爲_レ韞後鄭謂_レ韞者以_レ臯陶各_レ官韞即陶字
 從_レ革今_レ此注云鼓人爲_レ臯陶者誤當_レ作_レ韞人
 鼓人自_レ在地官堂教_レ六鼓矣臯陶鼓各_レ長六
 尺六寸乃_レ管新宮三終_レ管謂_レ吹篳篥以_レ播新宮之
 從_レ工而入_レ既_レ管不_レ厭略_レ下樂也立_レ于東縣之
 中○疏曰此云管上云篳篥故_レ鄭合_レ爲_レ一事解
 之云篳篥從_レ工而入_レ者按_レ燕禮云篳篥入_レ立_レ于縣
 中有_レ篳篥入_レ之文此上下不見_レ篳篥入_レ之文故_レ知
 篳篥從_レ工而入_レ也此管也而_レ謂_レ之_レ篳篥者按_レ燕禮
 記云_レ下管新宮篳篥入_レ三成_レ則吹_レ管者亦_レ吹_レ篳
 故_レ兼_レ言_レ篳篥欲_レ見_レ篳管相_レ將也云_レ卒管大師及
 立_レ于東縣之中者亦_レ約_レ燕禮文卒管大師及
 少師上_レ土皆_レ東北_レ之東南西面北上坐_レ縣北
 統_レ於堂也於是時_レ大樂止還_レ北面立_レ于其南
 ○疏曰工人前_レ不_レ即遷_レ于東者爲_レ管篳篥所作
 不_レ以_レ無_レ事亂_レ有_レ事故_レ待_レ卒管乃_レ遷也亦_レ言_レ去_レ
 堂遠_レ近_レ當_レ如_レ鄉射遷_レ工阼階之東南南堂前二

筭西面
北

右樂賓

擯者自阼階下請立司正

二爵既備上下樂作君將留羣臣而

射宜更立司正以

公許擯者遂爲司正

君許其請

因命用之不易之者

司正適洗洗角觶南面

坐奠于中庭

奠觶者著其位以顯其事威儀多也○疏曰燕禮及此射禮司

正不以觶升而奠之於地此鄉飲酒及鄉射爲顯其威儀多自此已後還與二鄉同也

升東楹之東受命于公西階上北面命賓諸

公卿大夫公曰以我安賓諸公卿大夫皆對

曰諾敢不安

以我安者君意殷勤欲留之以我故安也

司正降自

西階南面坐取解升酌散降南面坐奠解於
中庭與右還北面少立坐取解興坐不祭卒
故也
解奠之興再拜稽首左還南面坐取解洗南
面反奠于其所北面立
皆所以自昭明於衆
也將於解南北面則
右還於解北南面則左還如得從解西往
來也必從解西往來者為君在阼不背之也

右立司正

司射適次袒決遂執弓挾乘矢於弓外見鏃
於附右巨指鉤弦
司射射人也次若今時更
衣處張幃席為之耦次在
洗東南袒左免衣也決猶圍也以象骨為之
著右巨指所以鉤弦而鬻之遂射鞬也以朱
韋為之著左臂所以遂弦也方持弦矢曰挾
乘矢四矢附弓把也見鏃焉順其射也右巨

指右手大擘以鉤弦弦在旁挾由便也古文
挾皆作接○疏曰云司射射人也者按燕禮
射人告具又云射人納賓又云射人請立司
正公許射人遂為司正又云乃薦司正與射
人一人又曰若射則大射正為司射是射人
司射大射正司正其實一人也此篇云射人
告具又曰大射正擯自此以後皆止云擯擯
者自作階下請立司正公許遂為司正則此
篇擯者司正與大射正為一人也下云公就
物小射正奉決拾以筭大射正執弓注云大
射正舍司正親其職乃薦司正注云司正大
射正是也云耦耦次在洗東南南者此無正文按
鄉射記云設耦橫奉之南面坐奠之南北當
洗此下云耦出次西行拾取矢又當北行
向耦則次在洗東南南矣云下方持弦矢曰挾者
以矢橫為方鄉射記云凡挾矢於二指間橫
之是
自阼階前曰為政請射
司馬為政謂司馬也
禮○疏曰大宰云四日夏官其屬六十掌邦
政是為政謂司馬也其屬有射人主射事故

司馬政官遂告曰大夫與太夫士御於大夫

因告選耦於君御由侍也大夫與太夫為耦不足則士侍於大夫與為耦也今文於為

手○疏曰云不足則士侍於大夫與為耦是也

也者曲禮云君使士射注謂以備耦是也

適西階前東面右顧命有司納射器納內也

命謂司射命之也有司謂士佐執事不射者

鄉射西階前西面命弟子納射器此言東面

者君在階前宜向之故東面右顧者以其有

司是士士在西階南東面是以右顧向之射

器皆入君之弓矢適東堂賓之弓矢與中等

豐皆止于西堂下衆弓矢不挾總衆弓矢楅

皆適次而俟射爵者衆弓矢二耦及卿大夫

以下弓矢也司射亦止其西堂下衆弓矢不挾則納公與賓弓矢者挾之楅承矢器今文

俟作待○疏曰鄉射記云於郊則間中據此

大射故知間中所以盛筭故云筭器也云

司射矢亦止西堂下者下文云司射空誘射

遂適堂西改取一介挾之是也若然司射有

矢無弓在堂西有弓者誤或則據司射將獻

釋獲者適階西去北適堂西釋弓脫決拾

是時弓在工人士與梓人升自北階兩楹之

間疏數容弓若丹若墨度尺而午射正蒞之

工人士梓人皆司空之屬能正方圓者一從

一橫曰午謂畫物也射正司射之長○疏曰

績人職云火以圖土以黃其象方梓人職張

五采之侯之類是知方圓也云一從一橫曰

午謂畫物也者則上文橫與距隨是也但朱

知從者橫者若為用丹若為用墨或科用其

並立也云度尺者即鄉射記從如筭三尺橫

如武尺一尺卒畫自北階下司宮埽所畫物自

寸是也

北階下

北階下。北堂下。○疏曰：南方不見有位，以其人升降自北階。明位在北堂下。

北階下。北堂下。○疏曰：南方不見有位，以其人升降自北階。明位在北堂下。

太史侯于所設中之西東

面以聽政

射禮曰：設中，南當楹，西當西序，東當西序，東面以聽政。

司射西面誓之曰：公射，大夫射，士射，參士射，干射者非其侯中之不獲，卑者與尊者為耦，不異侯。太史許諾。

誓猶告也。古文異作辭。射大侯，士與大夫為耦，同射參侯，以其既與尊者為耦，不可使之別。侯別者則非耦類。故遂比三耦。門在北面，士西方，東面。○疏曰：云不言面者，以下云面故決之。云大夫在門右，北面，士西方，東面，仍依朝位而言。若耦及侯數，天子大射，賓射六耦，三侯畿內，諸侯則二侯四耦，畿外，諸侯大射，賓射皆三侯三耦。

耦不異侯。太史許諾。

誓猶告也。古文異作辭。射大侯，士與大夫為耦，同射參侯，以其既與尊者為耦，不可使之別。侯別者則非耦類。故遂比三耦。門在北面，士西方，東面。○疏曰：云不言面者，以下云面故決之。云大夫在門右，北面，士西方，東面，仍依朝位而言。若耦及侯數，天子大射，賓射六耦，三侯畿內，諸侯則二侯四耦，畿外，諸侯大射，賓射皆三侯三耦。

耦不異侯。太史許諾。

誓猶告也。古文異作辭。射大侯，士與大夫為耦，同射參侯，以其既與尊者為耦，不可使之別。侯別者則非耦類。故遂比三耦。門在北面，士西方，東面。○疏曰：云不言面者，以下云面故決之。云大夫在門右，北面，士西方，東面，仍依朝位而言。若耦及侯數，天子大射，賓射六耦，三侯畿內，諸侯則二侯四耦，畿外，諸侯大射，賓射皆三侯三耦。

耦不異侯。太史許諾。

誓猶告也。古文異作辭。射大侯，士與大夫為耦，同射參侯，以其既與尊者為耦，不可使之別。侯別者則非耦類。故遂比三耦。門在北面，士西方，東面。○疏曰：云不言面者，以下云面故決之。云大夫在門右，北面，士西方，東面，仍依朝位而言。若耦及侯數，天子大射，賓射六耦，三侯畿內，諸侯則二侯四耦，畿外，諸侯大射，賓射皆三侯三耦。

耦但諸侯畿外畿內各有一申一屈故畿外三侯遠尊得申與天子同三耦則屈畿內二侯近尊則屈四耦則申若燕射則天子諸侯例同三耦一侯而已以其燕射則天子諸侯夫士例同三耦二耦侯于次北西面上

未知其耦今文侯為立○疏曰：下經始命而此經已言面位者為三耦未知與誰為耦故立於此以侯命

司射命上射曰某御於子命下射曰子與某

子射卒遂命三耦取弓矢于次

取弓矢不捨者次中隱蔽

處○疏曰：鄉射堂西顯露之處則拾取矢也

右請射

司射入于次擯二挾一个出于次西面揖當

階北面揖及階揖升堂揖當物北面揖及物

儀禮經傳通解

卷二十一

二十六

揖由下物少退誘射也揖扱也扱一个扱於弦

少退謙也誘猶教也夫子循循然善誘人

疏曰射人誘射與鄉射同但鄉射往階西取

弓矢此則入次取弓矢為異然此云入次揖

三扱一个則已前皆扱乘矢不改鄉射亦然

射三侯將乘矢始射干又射參大夫再發

也行四矢象有事於四方卒射北面揖

詩云四矢反兮以御亂卒射北面揖

之處不南面者為不背卿○疏曰按鄉射誘

射卒南面揖者彼尊東或公或卿大夫位

同不別故司射不特尊之此大射辨尊卑尊

東唯有天子命卿其餘小卿及大夫皆賓西

故特尊之及階揖降如升射之儀遂適堂西

不背之也改取一个扱之

改更也遂取扑搯之

以立于所設中之西南東面

者也於是言立

者也於是言立

者也於是言立

者也於是言立

者也於是言立

者也於是言立

者也於是言立

者也於是言立

者也於是言立

者也於是言立

者也於是言立

右誘射

司馬師命負侯者執旌以負侯

見侯與旌深志於侯中

服不氏下士一人徒四人掌以旅居之待獲

析羽為旌○疏曰引天子服不氏

氏為獲者明諸侯亦當然也負侯者皆適

侯執旌負侯而侯司射適次作上耦射

司射反位疏曰此不言先反位者為耦始

也先耦出次西面揖進上射在左並行當階

也先耦出次西面揖進上射在左並行當階

也先耦出次西面揖進上射在左並行當階

北面揖及階揖上射先升三等下射從之中

等上射在左便射位也中猶間也○疏曰云

上射在左便射位也者鄉射亦云上射在左

左不云便射位者彼東面位上射在北故在左

左不取便射位之義此西面位亦上射在北

居右故上射馭在左以其發位並行及升北面

面就物位皆言居左履物南面上射乃在右

故云上射在左便射位也上射升堂少左下射升上射揖

並行併東行也皆當其物北面揖及物揖皆左

足履物還視俟中合是而俟視俟中各視其

則視參中參中十四尺士司馬正適次袒決

遂執弓右挾之出升自西階適下物立于物

間左執弣右執簫南揚弓命去侯司馬正政

官之屬簫

弓未揚弓者執下末揚猶舉也適下物由上

射後東過也命去侯者將射當獲也鄉射禮

曰西南面立於物間○疏曰按天子有大司

馬卿一人小司馬中大夫二人此雖諸侯禮

亦應有小司馬號為司馬正也鄉射司馬命

去侯時由上射後過至下射西南面揚弓

命去侯故引鄉射證此負侯皆許諾以宮趨

亦在物間西南面也

直西及之南又諾以商至之聲止官為君商

為聲○疏曰云官為君商為臣樂記文云聲

和相生者宮生徵徵生商而云相生者雖隔

徵亦是相生之義也云聲和者官數八十一

商數七十二彈宮則商應故云聲和也引鄉

射者彼臣禮直云諾聲不絕不言官商引之

證與此不授獲者退立于西方獲者與共而

俟太侯服不氏員侯徒一人居之相代而獲

參侯干侯徒員侯居之不相代鄉射禮曰

同之意

二十八

獲者執旌許諾聲不絕以至乎之坐東向偃

旌與而侯古文獲皆作護非也○疏曰上注

引周禮服木氏下士一人徒四人是以鄭公

之於三侯之上大侯尊故使服木氏與一徒

居之自餘徒三人分之於二司馬正出于下

侯徒以少一人不得相代也

射之南還其後降自西階遂適次釋弓說決

拾襲反位拾遂也 卿射禮曰司馬反位立于

宜與卿射同司射之南○疏曰此司馬不言位

故引為證司射進與司馬正交于階前相

左由堂下西階之東北面視上射命曰毋射

獲毋獵獲上射揖司射退反位射獲矢中

乃射上射既發挾矢而后下射射拾發以將

乘矢拾更也 將行也獲者坐而獲坐言獲也舉旌以宮偃

旌以商等言獲也獲而未釋獲但言獲未釋卒

射右挾之北面揖揖如升射古文釋為舍上射

降三等下射少右從之中等並行上射於左

與升射者相左交于階前相揖適次釋弓說

決拾襲反位上射於左由下射階上少右乃

曰云上射降三等者諸侯階有七等言三一等

者欲明下射中者是降一等之上下下射過

向西畔由右故上射至地待之乃得二人並

行上射於左也云與升射者相左交于階前

者降射者仍南行故得階前交往來也云凡

射皆祖者按鄉射命三耦各與其耦讓取弓

矢拾三耦皆祖決遂取弓遂至卒射云脫決

拾襲而侯于堂西南面此則前遂命三耦取

弓矢于次不言祖至此亦言襲故須言三耦

凡射皆祖決在此不見祖亦祖可知也

卒射亦如之

右初射獲而未釋獲

司射去扑倚于階西適阼階下北面告于公

曰三耦卒射反搯扑反位疏曰鄉射司射去

升堂北面告于賓曰三耦卒射注云去扑乃

升不取佩刑器即尊者之側此亦在堂而亦

去扑者尊司馬正袒決遂執弓右挾之出與

司射交于階前相左出於次也袒時亦適

時入次今更出次不在位上袒而入次取

凡袒襲皆於隱處鄉射無次司馬適堂西袒

執弓矢是知雖無升自西階自右物之後立

于物間西南面揖弓命取矢揖推負侯許諾

如初去侯皆執旌以負其侯而侯侯小臣取

教司馬正降自西階北面命設福此出于下

其後而小臣師設福司馬正東面以弓為畢

畢所以教助執事者鄉射記曰乃設福于中

庭南當洗東肆○疏曰畢是助載鼎實之物

故司馬執弓為畢以指授若周禮執射以

鞭度然引鄉射禮文者證經設福故亦當洗

既設福司馬正適次釋弓說決拾襲反位小

臣坐委矢于楅括司馬師坐乘之乘四四

卒若矢不備則司馬正又袒執弓升命取矢

如初曰取矢不索乃復求矢加于楅卒司馬

正進坐左右撫之興反位左右撫分上下

右取矢

司射適西階西倚拊升自西階東面請射于

公倚拊者將即君前不敢佩刑器也升堂者欲諸公卿大夫辯聞也○疏曰上去拊告

君不注至此升堂乃注者彼告在階下遠君故不注至此升堂乃注義與彼同也上不升者

以下告三耦空射事緩故在下此告欲諸公卿大夫徧聞也故升但升者是其正故卿射亦升堂

公許遂適西階上命賓御于公諸公卿

則以耦告于上大夫則降即位而后告告諸公卿

司射自西階上北面告于大夫曰請

降司射先降擯拊反位大夫從之降適次立

于三耦之南西面北上適次由次前而北西面立○疏曰以諸公

卿在上故請大夫降鄉射降告主人與賓

耦遂告于大夫又曰賓主人與大夫皆未降

彼臣禮主人與賓皆卑故大夫未降與此異

也上云司射等適次謂入次中此適次者大

夫降自西階東行適次所過向堂東司射東

面于大夫之西比耦大夫與大夫命上射曰

某御於子命下射曰子與某子射卒遂比衆

耦衆耦也衆耦立于大夫之南西面北上若有

士與大夫為耦則以大夫之耦為上羣士之

上○疏曰國皆有二卿五大夫三耦六人而

已而云使士為耦者卿大夫或有故或出使

數容不足命大夫之耦曰子與某子射告於

大夫曰某御於子士雖為上射其命衆耦如

義禮經傳通解 卷二十一 三十一

命三耦之辭諸公卿皆未降言未降者見其志在射○疏曰

言未降者後當降故云未也若終不射不得言未是以前射記云衆賓不與射者不降注不以無事亂有事是遂命三耦各與其耦拾取

矢皆袒決遂執弓右挾之此命入次之事也司射既命而反位

不言之者上射出當作取矢事未訖○疏曰鄭知此是命入次之事者上來未有三耦入次袒決遂之事又下文乃云一耦出明此是命入次之事若然司射命訖當反位不言者以其三耦入次出乃當作取矢待作一耦出取矢即是事未訖故不言反位也

西一面揖當福北面揖及福揖三耦同入次其出也

射出西面立司射作之乃揖行也當福福正南之東西上射東面下射

西面上射揖進坐橫弓卻手自弓下取一个

兼諸附興順羽且左還毋周反面揖南陪者

也卻手自弓下取矢者以左手在弓表右手從裏取之便也兼弁也弁矢於附當順羽既又當執弦順羽者手放而下備不整理也左還反其位毋周右還而反東面也君在阼還周則下射將背之古文且為阻○疏曰毋周者左還行至位即位右還而反東面是還

周也云君在阼還周則下射將背之者上射左還已還背君而據下射而言者上射云君遠故據下射而言以其下射若右還周為背君若左還向東覆即右還西面是不背君周即背也

諸附興順羽且左還毋周反面揖橫弓亦南
東西鄉以南北為橫覆手自弓上取矢以左手在弓裏右手從表取之便也○疏曰上射下射俱南陪者取既拾取矢相之相齊等

文相也兼挾乘矢皆內還南面揖內還者上射
 作也魁也皆右還亦以君在阼嫌下射故左還而背之
 也上以陽為內上下以陰為內因其宜可也○
 疏曰云云不皆右還亦以君在阼嫌下射故左
 還而背之者若上下俱向內是相向為順若
 上射左還是不故背君若下射右還皆君少
 亦左還初時面向君轉身南面背君多似故
 背君故不左還也云云上以陽為內下以陰為
 內因其宜可也者上射東面左還時以左手
 還取東相陽方為內下射西面右還時以右
 手還取西相陰方為內隨其陰陽得左右相
 向是因其宜也適楅南皆左還北面揖搯三挾一介
 其宜也當揖以耦左還上射於左以猶與也
 楅南之地位也言以者耦
 之事成於此意相人耦也上射轉居左便其
 反位也上射少北乃東面○疏曰揖不須言
 以今云以者必有義意故鄭云言以者耦之
 事成於此謂成於此拾取矢以其取矢後下

番了更無事故云成於此意相人存耦也云云
 上射轉居左便其反位也者位在次北西面
 是以上射居左至次北右還西面便也云云上
 射少北乃東面知不必南者以其次在楅東
 南北面揖時已在次西面故知退者與進者
 上射少北乃東面得東當次也退者與進者
 相左相揖還退釋弓矢于次說決拾襲反位
 二耦拾取矢亦如之後者遂取誘射之矢兼
 乘矢而取之以授有司于次中皆襲反位有司
納射器因留司射作射如初一耦揖升如初
主授受之司馬命去侯負侯許諾如初司馬降釋弓反
 位

右再請射

司射猶挾一个去北與司馬交于階前適昨

階下北面請釋獲于公猶守故之辭於此言

執弓挾矢以掌射事備尚未知當教之也今

二耦卒射衆足以知之矣猶挾之者君子不

也必也公許反擯扑遂命釋獲者設中以弓為畢

北面北而立于所設中而南當視之也大史

釋獲小臣師執中先首坐設之東面退大史

實八筭于中橫委其餘于中西與共而俟先

前也命大史而小臣師設之國君官多也小

臣師退反東堂下位鄉射禮曰橫委其餘于

中西南末○疏曰此不見執筭之人按鄉射

釋獲者執鹿中一人執筭以從之彼臣禮官

必釋獲者自執中設之尚使人執筭况國君

官臣多大史不自執中豈得自執筭明亦使

人執之但司射西面命曰中離維網揚觸梱

復公則釋獲衆則不與離猶過也獵也侯有

之角者為維或曰維當為縮以縮為網耳揚

觸者謂矢中他物揚而觸侯也梱復謂矢至

侯不著而還復復反也公則釋獲優君也衆

當中鵠而著古文相作魁○疏曰離維網離

猶過也獵也謂矢過獵因著維與網也維者

謂上躬上舌下躬下舌兩頭皆有角以小繩

綴角而繫之於植網者謂上綱下綱皆出舌

八尺亦用繩為之所以繫侯於植者然則網

與維皆用繩為之故矢或離網或離維也或

命小史小史命獲者

傳告服木使知此司射所命也。疏曰據在大侯

而高告服木則參侯干司射遂進由堂下北

面視上射命曰不貫不釋上射揖司射退反

位貫猶中也射不中出鵠不釋筭古文貫作關

君而釋獲者坐取中之八筭改實八筭與執

而俟執所取筭乃射若中則釋獲者每一个釋一

筭上射於右下射於左若有餘筭則反委之

委餘筭禮貴異又取中之八筭改實八筭于中興執

而俟三耦卒射

右再射釋獲

賓降取弓矢于堂西

不敢與君並俟告取之

下云司射告射于公小射正取公之決拾弁

並俟告也云取之乃取弓矢是不敢與君

云公將射則賓降適堂西祖決遂執弓擯三

挾一介升自西階是君事畢乃爾今此但取

之以俟非即祖決遂也蓋去射時尚遠不可

以即諸公卿則適次繼三耦以南言繼三耦

北○疏曰言適次者但射位在堂東次在洗

東南今諸公卿東南適次前此至三耦之南

以次西面立明公將射則司馬師命負侯皆

執其旗以負其侯而俟君尊若始焉○疏曰

侯三耦將射司馬命去侯今三耦卒射君

將射司馬使更命負侯是君尊若始焉司

馬師反位隸僕人掃秩道新司射去升適阼

階下告射于公公許適西階東告于賓告當射也

今文曰昨遂摺扑反位小射正一人取公之

决拾于東站上一小射正授弓拂弓皆以俟

于東堂授弓當授大射正拂弓去塵○疏曰

或云小射正當是大射正一人為上司射次

之司射或謂之小射正若然大射正與司射

各一人據其行事小射正不止一人而已如

此文既云小射正一人今又云中一小射正則小

射正二人也云授弓當授大射正者下云大

射正執弓以袂以授公明此授弓者當授大

射正也公將射則賓降適堂西祖决遂執弓摺

三挾一个升自西階先待于物北北一筈東

面立不取與君併筈矢幹東面立鄉君也○

賓降筈矢幹按周禮矢人矢幹長三尺則此

賓立於物司馬升命去侯如初還右乃降釋

弓反位還右還君之右也猶出下射之南還

為還君之右者按上文初射時司馬立於物

間南揚弓命去侯訖出於下射之南還其後

降自西階釋弓反位今此實為上公就物小

射正奉决拾以筈大射正執弓皆以從於物

射正筈韋器大射正小射正坐奠筈于物南遂

拂以巾取决興贊設决朱極三極猶放也所

無極放弦契於此指多則痛小指短不用小

臣正贊祖公祖朱襦率祖小臣正退侯于東

堂小射正又坐取拾與贊設拾以筭退奠于

坵上復位既祖乃設拾拾當以鞞禡上○疏

故既祖乃設拾鄉射云祖決遂以其無禡故

遂與決得俱時設若大夫對士射祖禡禡設

遂亦當大射正執弓以袂順左右隈上再下

壹左執弣右執簫以授公公親揉之順放之

淵也操宛之觀其安危也今文順為循古文

操為紐○疏曰以袂向下於弓隈順放之考

工記弓人云其弓安其弓危以弓弱為危

弱強者為安則此云觀安危者謂試弓之強

弱小臣師以巾內拂矢而授矢于公稍屬內拂

恐塵及君也大射正立于公後以矢行告于

稍屬不擯矢也公既設大射正受弓而俟拾

散以將乘矢公下射也而先發不留守也○

乃次下射公卒射小臣師以巾退反位大射

正受弓司於東堂小射正以筭受決拾退

奠于坵上復位大射正退反司正之位小臣正

贊襲公還而后賓降釋弓于堂西反位于階

西東面階西東面賓降位○疏曰上文公即

席司正以命升賓賓升復筵而后卿大夫繼

射諸公卿取弓矢于次中祖決遂執弓擗二

挾二个出西面揖揖如二耦射卒射降如

三耦適次釋弓說決拾襲反位眾皆繼射釋

獲皆如初諸公卿言取弓矢衆言釋獲互言也○疏曰此公與賓復升即位者

公卿以下當繼射公與賓當觀之故升就位也卒射釋獲者遂以所

執餘獲適阼階下北面告于公曰左右卒射

司射不告者釋獲者於是有事宜終之也餘獲餘筭也無餘筭則無所執古文曰餘筭

反位坐委餘獲于中西興共而俟司馬袒執

弓升命取矢如初負侯許諾以旌負侯如初

司馬降釋弓如初小臣委矢于楅司馬正於此是司馬師亦坐乘矢○疏曰賓諸公卿

皆言如初故鄭按上文而言也

大夫之矢皆異束之以茅卒正坐左右撫之

進束反位異束大夫矢尊殊之也正司馬正也進前也又言束整結之不親也

○疏曰公卿皆異束但言大夫者公卿自相對其矢俱束之及其脫之亦拾取但三耦之內大夫以士耦之士矢不賓之矢則以授矢

東大夫束之故曰尊殊之

人于西堂下是言矢人則納射器之有司各以其器名官職不以言君矢小臣

以授矢人于東堂下可知知○疏曰知司馬釋者以小臣取矢明取之授矢人

弓反位而后卿大夫升就席此言其升前小臣委矢於楅

疏曰按上文司馬降釋弓如初在小臣委矢之上其司馬降釋弓之時卿大夫即升就席

委矢當依司馬命取矢之下不失其故故不即見卿大夫升事是以於此特言司馬降釋

弓與卿大夫升為節耳故鄭亦言其次第也

右公及諸公卿大夫射○記君射則為下

射上射退于物一等既設財答君而侯

也此以下雜記也君樂作而后就物君祖

朱襦以射君小臣以巾執矢以授君尊不

獲君若飲君如燕則夾爵謂君在不勝

則皮樹中以翻旌獲白羽朱羽國中

郊則間中以旌獲於郊謂大射也

於今文皮樹為繁豎縹為縹古文無以

如驢歧蹄周書曰北唐以間折羽為旌

於竟則虎中龍旌於竟謂與鄰國君射也

畫龍於旌尚文章也通

畫龍於旌尚文章也通

帛為大夫兕中各以其物獲兕獸名似

鹿中翻旌以獲謂小國之州長也用翻為

唯君有射于國中其餘否臣不習武事

君在大夫射則肉袒不袒也古

君也今文無射○此下節

司射適階西釋弓去扑襲進由中東立于中

南北面視筭釋弓去扑射事已也○疏曰矢

去矢後更挾之亦去之是以下文司射執弓挾

數右獲固東面矣復言之二筭為純純猶全

一純以取實于左手十純則縮而委之從

縮

於數者東西為每委異之數有餘純則

橫諸下又異之也一筭為奇奇則又縮諸純

下又從興自前適左東面坐從中前北也

於坐兼歛筭實于左手一純以委十則異之

變於其餘如右獲謂所縮者司射復位釋獲者

遂進取賢獲執之由阼階下北面告于公賢獲

勝黨之筭也執之若右勝則曰右賢於左若

左勝則曰左賢於右以純數告若有奇者亦

曰奇告曰某賢於某若左右鈞則左右各執

一筭以告曰左右鈞還復位坐兼歛筭實八

筭于中委其餘于中西興共而俟

右取矢視筭

司射命設豐當飲不勝司官士奉豐由西階

升北面坐設于西楹西降復位勝者之弟子

洗解升酌散南面坐奠于豐上降反位弟子

者也不授者射爵猶罰爵略之○疏曰自此

以上其疏見於射於此不復言按獻酬之

爵皆手授罰爵不手授此飲射爵亦不手授

故云猶罰爵略之也然大夫以上皆手授尊

之故下注云授爵而不奠豐尊大夫也其三

耦之內雖大夫亦取於豐者以其作三耦與

衆耦同事故司射袒執弓挾一个擯扑東面

于三耦之西命三耦及衆射者勝者皆袒決

遂執張弓執張弓言能用也不勝者皆襲說決

拾卻左手右手加弛弓于其上遂以執附固襲

拾矣復言之者起勝者也不勝者執弛弓言

畢之時皆就次襲說決拾矣今以勝者更相

也司射先反位入次而來飲二耦及眾射者

皆升飲射爵于西階上不勝之黨無不飲

王以助祭適不幸而在不勝之黨雖數中亦

受罰及論其藝雖飲射爵亦得助祭或但在

也罰據一黨而言助祭取一身之藝義故不同

小射正作升飲射爵者如作射一耦出揖

如升射及階勝者先升堂少右先升尊賢也

亦因相飲之禮然○疏曰鄉飲酒鄉射獻不

勝者進北面坐取豐上之觶興少退立卒觶

進坐奠于豐下興揖立卒觶不祭不拜受罰

手執引○疏曰按鄉飲酒皆祭卒爵拜既

爵故此決之受罰不備禮也云右手執觶左

手執引者以其執弛弓不釋於地明知未飲

時兩手執引今受罰爵右手執爵為便左手

執引不勝者先降後升先降略之不冉次也

與升飲者相左交于階前相揖適

次釋弓襲友位僕人師繼酌射爵取觶實之

反奠于豐上退俟于序端僕人師酌者君使

以下辨升飲者如初三耦卒飲若賓諸公卿

盛之酌以升飲者如初三耦卒飲若賓諸公卿

大夫不勝則不降不執弓耦不升此耦謂士也諸公卿

或關士為之耦者不升其諸公卿大夫相為耦者不降席重取尊也○疏曰大夫坐於上

士立於下故知僕人師洗升實解以授賓諸此耦謂士也

公卿大夫受解于席以降適西階上北面立

飲卒解投執爵者反就席雖尊亦西階上立

正罰也投爵而不飲若飲公則侍射者降洗角

解升酌散降拜侍射實也飲君則不敢以為

解即兕觥罰爵也以兕觥為之禮也○疏曰角實自酌用之如飲君即下文所言象解亦從

獻實之爵不公降一等小臣正辭賓升再拜

敢用罰爵也稽首公谷再拜賓坐祭卒爵再拜稽首公谷

再拜賓降洗象解升酌膳以致下拜小臣正

辭升再拜稽首公谷再拜公卒解賓進受解

降洗散解升實散下拜小臣正辭升再拜稽

首公谷再拜賓復酌自飲者夾爵也但如致

以恥公也所謂若賓坐不祭卒解降奠于篚

飲君燕則夾爵擯者以命升賓賓升就

階西東面立射爵

席擯者司正也若諸公卿大夫之耦不勝則

亦執弛弓特升飲此耦亦謂士也特猶獨也

獨飲若無倫眾皆繼飲射爵如三耦射爵

四孤賤也乃徹豐與解徹除也

右飲不勝者若飲君則夾之

司宮尊侯于服不之東北兩獻酒東面南上皆加勺設洗于尊西北筐在南東肆實一散

于筐為大侯獲者設尊也言尊侯者獲者之功由侯也不於初設之者不取必君射也君不射則不獻大侯之獲者散爵各容五升

升○疏曰按上張侯先設大侯以下大射者為祭擇士一人君不可不親故奪其尊使中之必射而豫張大侯至於設大侯之尊必侯君射訖乃設之者蓋其自優暇容有不射之理是以

不射則不設射乃設之也云散爵各容五升者按韓詩傳云一升曰爵二升曰觶三升曰

司馬正洗散遂實爵獻服不言服不者著其官尊大侯也服

不司馬之屬掌養猛獸而教擾之者洗酌皆西面

西面○疏曰自此已前皆以事名之於此始

著其官是尊大侯也服不掌養猛獸教之使

擾馴人意象王者服不服諸侯使歸服王者

云洗酌皆西面者以其設尊設洗皆東面故

知洗酌酌酒皆西面向之也若然獻旅食尊

後酌者為背君此西面不嫌服不侯西北三

步北面拜受爵近其所為獻○疏曰服不得

侯司馬正西面拜送爵反位不侯卒爵略賤也

服不之徒乃反位○疏曰服不祭侯而後卒

爵今司馬反位在未祭侯之前是略賤也雖

不侯卒爵然亦必兼獻其徒而後始反位蓋

大侯尊服不與其徒皆在獲所既獻服不必

兼獻其徒但經文不具故鄭謂反位者必該

其終言之非止於獻一人下注云司馬正皆

獻之宰夫有司薦庶子設折俎宰夫有司宰

射記曰獲者之卒錯獲者適右个薦俎從之

不言服木不言獲者國君大侯服木負侯其徒
居之待獲變其文容三人也司馬正皆獻之
薦俎已錯乃適右个明此獻已已歸功於侯
也適右个由侯內鄉射記曰東方謂之右个
○疏曰按上注云天子服木氏下土一人徒
四人掌以旌居之待獲鄭言容二人者欲見
服不與徒二人皆得獻故鄭云司馬正皆獻
之云適右个由侯內者以其既祭左个次祭
右个乃祭於中故獲者左執爵右祭薦俎二
云下適右个由侯內獲者左執爵右祭薦俎二
手祭酒祭俎不奠爵不備禮也二手祭酒者
爵反注為一手不能正也此薦俎之設如於
北面人焉天子祝侯曰唯辟寧侯無或若女
不寧侯不屬於王所故抗而射女疆飲疆食
貽女子曾孫諸侯百福諸侯以下祝辭未聞
疏曰祭俎者謂祭俎上肺但肺有二種此云
祭是祭肺也非是離肺知者按鄉射記云獲
者之俎折脊離肺又曰釋獲者之俎折脊
離肺皆有祭則此俎祭肺亦離肺若然凡祭

祭肺皆不奠爵是其常云此不奠爵不備禮
者但祭肺離肺兩有祭肺不奠爵若空有祭
肺亦不奠爵今祭俎適左个祭如右个中亦
如之先祭个後中者以外即之至中若神在
疏曰以其左右及中故卒祭左个之西北三
步東面此鄉射禮也疏曰前服木受獻之時侯西
北面者欲歸功於侯故也今卒爵雖同舊處
而東面者以其前受獻為已今卒爵還為已
卒爵故東面是以云不設薦俎立卒爵不拜
北面者嫌為侯卒爵也司馬正已反位不拜可知也
既爵司馬正已反位不拜可知也司馬師受
鄉射禮曰獲者薦右東面立飲
虛爵洗獻隸僕人與巾車獲者皆如大侯之
禮隸僕人場侯道巾車張大侯及參侯干侯
之獲者其受獻之禮如服木也隸僕人亦

車於服木之位受之功成於大侯也不以言
人者此自後以及先可知○疏曰巾車張大
侯者舉尊者而言其參侯干侯亦張之上文
司馬遂命量人巾車張三侯是也云及參侯
干侯之獲者以上文已獻大侯獲者明此是
參侯紆侯之獲者可知云疏曰僕人巾車素無其位而
不之位受者以疎僕人巾車素無其位而
經云如大侯之禮明就大侯之位受獻是以
鄭云功成也卒司馬師受虛爵奠于篚獲者獲
於大侯也

右獻服不

者皆執其薦庶子執俎從之設于之少南少南
為復射於旌也疎僕人巾車量人自服不而
南○疏曰知自服不而南者雖無正文以其
受獻於服不之位明服不復負俎而俟
繼服木而南可知

洗洗觚升實之降獻釋獲者于其位少南獻
獲者與獲者異文武不同也去扑者扑不升
堂也少南辟中○疏曰以其獻獲者於侯西
北面受獻歸功於侯是其武獻釋獲者升堂
酌酒東面獻之就釋筭之所是其文故云文
武不薦脯醢折俎皆有祭俎與服不同唯祭
同與與服不同者以其俱用一俎云唯祭一為
俎與服不同者以其俱用一俎云唯祭一為
異者上祭侯之俎有三此釋獲者正唯祭
耳釋獲者薦右東面拜受爵司射北面拜送
爵釋獲者就其薦坐左執爵右祭脯醢與取
肺坐祭遂祭酒祭俎不奠爵與司射之西北
面立卒爵不拜既爵司射受虛爵奠于篚釋
獲者少西辟薦反位疏曰薦少西之者為復射
疏曰司射視筭亦辟俎也

右獸釋獲

司射適堂西祖決遂取弓挾一个適階西播

扑以反位復射司射倚扑于階西適阼階下

北面請射于公如初夫既射矣聞之可知反

播扑適次命三耦皆祖決遂執弓序出取矢

司射先反位言先先三耦也司射既命三耦以入

乃出及次外西面位司射先反位三耦

三耦拾取矢如初小射正作取矢如初正司

三耦既拾取矢諸公卿大夫皆

射之佐作取矢禮殺代之三耦既拾取矢諸公卿大夫皆

降如初位與耦入於次皆祖決遂執弓皆進

當福進坐說矢束上射東面下射西面拾取矢

如三耦皆進當福進三耦揖之位也凡繼射

疏曰云凡繼射命耦而已不作射不作取矢從初

從初者言凡繼射命耦者前三耦卒射後大

夫降至此耦大夫與大夫命上射曰某御於子

命下射曰子與某子射卒遂比眾耦云云至

公即席後賓升階復位還筵而後卿大夫繼

射後眾皆繼射釋獲皆如初注云諸公卿言

取弓矢眾言釋獲互言也既司射注司射所

作唯上耦是此文小射正但作三耦拾取矢

公以下亦無作拾文故曰不作取矢從初從

法也若士與大夫為耦士東面大夫西面大

夫進坐說矢束退反位謙也○疏曰三耦是

士之束既是大若束則異於三耦揖進坐

兼取乘矢與順羽且左還毋周反面揖兼取乘矢

大夫進坐亦兼取乘矢如其耦北面

揖三挾一个揖進大夫與其耦皆適次釋弓

說決拾襲反位諸公卿升就席大夫反位諸公卿乃升就

席大夫與已上下位○疏曰諸公卿大夫自

為耦者拾取矢在前大夫與士耦者說矢束

拾取矢在後今待大夫反位公卿乃升就席

者蓋公卿乃上大夫與大夫同爵但上下有

異耳故上大夫待下大夫眾射者繼拾取矢皆

如三耦遂入于次釋弓矢說決拾襲反位司

射猶挾一个以作射如初一耦揖升如初司

馬升命去侯負侯許諾司馬降釋弓反位

右三請射

司射與司馬交于階前倚扑于階西適阼階

下北面請以樂于公公許請奏樂以為節也

復釋獲復用樂行之君子之於事也始取苟

能中課有功終用成法教化之漸也射用應

樂為難孔子曰射者何以聽循聲而發發而

不以失正鵠者其唯賢者乎○疏曰云請奏樂

以為節也者謂若天子駒虞九節諸侯狸首

七節大夫米蘋士米粢皆五節云始射獲而

未釋獲者謂第一番二耦射中時雖唱獲未

釋樂云復釋獲者謂第二番眾耦皆射釋樂

未作樂云復用樂行之者謂第三番射非直

釋樂復用樂焉云射用應樂為難者但禮射

其容體比於禮其節比於樂司射反揖扑東

面命樂正曰命用樂

言君有命用樂射也樂正在此工南北面○疏曰

此時工在洗東西面樂正在工南北面司射在工西階下東面經云命樂正者東面遙命之

樂正曰諾司射遂適堂下北面

上射命曰

不鼓不釋不與鼓節相應不釋筭也鼓亦樂

之節學記曰鼓無當於五聲五聲

不得不知凡射之鼓節投壺其在者也周禮射節天子九諸侯七卿大夫以下八五○疏曰

射之鼓節多少無文今禮記投壺篇圖出魯鼓薛鼓云取半以下為投壺節盡用之為射節是其投

上射揖司射退反位樂正命大師

曰奏狸首間若一樂正西面受命左還東面命大師以大師射之樂章使

奏之也狸首逸詩曾孫也狸之言不來也其詩有射諸侯首不朝者之言因以各篇後世失之謂之曾孫曾孫者其章頭也射義所載詩曰曾孫侯氏是也以爲諸侯射節者采其

既有弧矢之威又言小大莫處御於君所以燕以射則燕則譽有樂以時會君事之志也

間若一者謂其聲之疏數重節○疏曰大師重節謂必疏數如九者重此樂節故也

不興許諾樂正反位奏狸首以射三耦卒射

賓待于物如初公樂作而后就物稍屬不以

樂志其他如初儀不以樂志君之射儀遲速

敏也志意所擬度也春秋傳曰吾志其目○疏曰春秋傳定八年公侵齊門于陽州其時

魯人顏息射人中眉退曰我無勇卒射如初吾志其目也是志是意所擬度也

賓就席諸公卿大夫衆射者皆繼射釋獲如

初卒射降反位釋獲者執餘獲進告左右卒

射如初

射如初

右三射用樂

司馬升命取矢負侯許諾司馬降釋弓反位
小臣委矢司馬師乘之皆如初司射釋弓視
筭如初釋獲者以賢獲與鈞告如初復位

右取矢視筭

司射命設豐實解如初遂命勝者執張弓不
勝者執弛弓升飲如初卒退豐與解如初司
射猶袒決遂左執弓右執一介兼諸弦面鏃
適次命拾取矢如初側持弦一矢曰執面鏃將止
變於射也○疏曰上文皆云挾一介此經云
執一介方持弦一矢曰挾以其將射故也側持

弦一矢曰執謂兼矢於弦而鏃向上將止變於
射也按御射禮云矢不挾兼諸弦一矢彼不言
面鏃而此言面鏃彼言兼弦附而司射反位
此不言兼附各舉一邊省文之義

三耦及諸公卿大夫衆射者皆袒決遂以拾
取矢如初矢不挾兼諸弦面鏃退適次皆授
有司弓矢襲反位不挾亦謂執卿大夫升就

席司射適次釋弓說決拾去扑襲反位司馬
正命退福解細小臣師退福中車量人解左
下細司馬師命獲者以旌與薦俎退解猶釋

司馬師命獲者退中與筭而侯諸所
無司馬司馬司射命釋獲者亦退其薦俎○疏
器皆侯備君復射釋獲者亦退其薦俎○疏
曰射已三番於後或射或否臣不敢必君射
儀禮經傳通解 卷二十一 四十九

故備擬之也前辟薦俎今既退中與
筭薦俎不可虛留明亦退之可知

右飲不勝者

公又舉奠解唯公所賜若賓若長以旅于西
階上如初大夫卒受者以虛解降奠于篚反
位

右公為大夫舉旅

司馬正升自西階東楹之東北面告于公請

徹俎公許射事既畢禮殺人遂適西階上北

面告于賓賓北面取俎以出諸公卿取俎如
賓禮遂出授從者于門外自其從者大夫降復位

門東北面位○疏曰大夫雖無俎以賓及公
卿皆送俎不可獨立於堂故降復位云門東
北面位者謂初小臣納也庶子正徹公俎降自
阼階以東降自阼階若親
右徹俎徹也以東去藏

賓諸公卿皆入門東面北上諸公卿不入門

因從司正升賓賓諸公卿大夫皆說屨升就

席公以賓及卿大夫皆坐乃安鼻命以我安

乃敢至此羞庶羞羞進也庶衆也

炮鶩膾鯉雉兕鶉鷩鶩鶩也

滂腸間脂故知此羞中有肝膋也又知有狗

裁醢者以下公食大夫有牛裁炙羊裁炙大夫

祭薦燕乃祭薦不敢於盛成禮○疏曰此大

司正升受命皆命公曰衆無不醉賓及諸公

卿大夫皆與對曰諾敢不醉皆反位坐

賓命諸公命卿大夫皆與對曰諾敢不醉皆反位坐

與上不言降席鄭知降席者以云反坐故知降

席也上文以我安賓不降席者彼直云安未

加敬也知司正退立西序端者按司正監酒

此將獻士事未訖亦如鄉飲

右燕

主人洗酌獻士于西階上士長升拜受解主

人拜送

升用大者賤用小者尊故云士賤也

他不拜坐祭立飲

長次云士謂長已下下云其他知謂衆士中者

乃薦司正與射人于解南北面東上

爲上

疏曰按燕禮薦司正與射人一一人司士一人

西面北上乃薦士

祝史小臣師亦就其位而薦之

士既獻者立於東方

士亦者亦

五十一

獻乃薦也祝史主人就士旅食之尊而獻之

旅食不拜受爵坐祭立飲主人既酌西面受之

洗者於賤略之○疏曰知主人既酌西面受之

旅食北面受之者以其不可背君南面授故

知位之如此若然大史等亦北面則亦西面

授酒也其小臣師等按上文位在阼階東南

自然北主人執虛爵奠于篚復位

右獻士及祝史

賓降洗升媵觶于公酌散下拜公降一等小

臣正辭賓升再拜稽首公荅再拜賓受公賜

終宜勸公厚意也今文解為觶公荅拜無

再拜○疏曰上文為賓為卿為大夫舉旅皆

臣自致爵今此其賓為士舉旅行酬因

得為賓致爵於君故鄭云序賓厚意也賓坐

祭卒爵再拜稽首公荅再拜賓降洗象觶升

酌膳坐奠于薦南降拜小臣正辭賓升成拜

公荅拜賓反位疏曰自此已前賓位在阼階

下東面無席戶牖之間位則有席此賓升成

拜不言降反位明反位者反於戶牖之間席

位觶當為觶者凡旅酌皆用觶獻士尚公坐

用觶故知觶當為觶下經觶亦當為觶取賓所媵觶興唯公所賜受者如初受酬之

禮降更爵洗升酌膳下再拜稽首小臣正辭

升成拜公荅拜乃就席坐行之坐行之若今

有執爵者士有盥升主酌授之○疏曰下文

知士有盥升唯受于公者拜其餘則否拜司

正命執爵者爵辭卒受者與以酬士欲令惠均疏

日以堂上公卿大夫旅徧弁堂下之士也大夫卒受者以爵與西

階上酬士士升大夫奠爵拜士答拜與酬士

堂下與上坐者異也○疏日向來堂上相旅皆坐相酬執爵者行之大夫未受酬者當與

王相酬士立堂下與上坐者異故大夫與而立酬也大夫立卒爵不拜

實之士拜受大夫拜送士旅于西階上辯史

小臣師旅士旅酌旅序也士以次自酌相酬無執爵者

右賓為士舉旅

若命曰復射則不獻庶子獻庶子則正禮畢後無事○疏曰獻

酬之禮庶子已下最後得獻復射在獻庶子之前司射命射唯欲射

命賓及諸公卿大夫射欲者則射卿大夫皆

降再拜稽首公答拜已不言賓從君舉旅言若長

在○疏曰初酬賓直言賓再舉旅言若長

不專於賓第三舉旅云唯公所賜若賓若長

至賓士舉旅直云唯公所賜復不言若賓若

長賓至此降沒不言賓是賓禮以漸而殺且

從君舉臣禮壹發中三侯皆獲其功一也而和

也矢揚觸或有參中者○疏曰上文唯公得

中三侯皆釋獲至此禮殺臣與君同是以鄭

云下和者益多尚歡樂也云矢揚觸或有參中

者卿大夫主射參侯士主射射侯其或揚觸

皆與釋右復射

主人洗升自西階獻庶子于阼階上如獻士

之禮辨獻降洗遂獻左右正與內小臣皆於

阼階上如獻庶子之禮庶子既堂正六牲之

與膳宰樂正正事又掌國子戒令教治世子

之官也左右正謂樂正僕人正也位在中庭

之左右小樂正正頌磬之北右也工在西即

北而工遷於東則東而大樂正正笙磬之北

左也工在西則西而工遷於東則北而僕人

正相大師工升堂與其師士降立於小樂正

之北北上工遷於東則階其工後國君無故

不釋縣二正君之近官也內小臣奄人掌君

陰事陰令后夫人之官也獻三官於阼階別

內外臣也同獻更洗以時事不聯也獻正下

及內小臣則磬人鐘人鐃人鼓人僕人師僕

人土盡獻可知也庶子內小臣位在小臣師

之東少退西上○疏曰云小樂正在頌磬之

北右也工在西即北面者工在西謂遷樂於

下時大師少師上工立於鼓北也云工遷於

東則東面者按上遷樂於東之時直云大師

少師上工皆東北之東不見小樂正從之明

留在西縣之北東面而工矣云大樂正在笙

磬之北左也工在西則西面者按上文司射

東面命樂正單言樂正者謂大樂正既東面

命之則大樂正立於東矣以其工在西階

下故知西面而向之矣云工遷於東則北面者

按上文樂正反位大師既西面明樂正北面

此亦少退西上者見公食在堂東北少退故知

與小臣師同名小臣故知小臣師之東也又

執事者堂上又非樂人不得在樂正位以下其

者以其雖同獻於阼階上獻有前後故更爵

洗之是以前時事不聯也云庶子內小臣位

在小臣師之東者按公食堂上來北無宰位又

內宰在東北此射禮堂上來北無宰位又按

儀禮卷二十一

五十四

右獻庶子左右正內小臣

無筭爵筭數也爵行無次數士也有執膳爵唯意所勸醉而止

者有執散爵者執膳爵者酌以進公公不拜

受執散爵者酌以之公命所賜所賜者與受

爵降席下奠爵再拜稽首公答再拜受

賜爵者以爵就席坐公卒爵然後飲酬之禮

今爵並行嫌不代也並行猶代者明勸惠從

尊者來○疏曰凡行酬之法轉爵遞飲今膳

散兩有宜得即飲猶待公卒爵乃飲猶代飲

然明惠從公來嫌得即飲不代故必卒爵然

後執膳爵者受公爵酌反奠之燕之歡在飲

飲疏曰更酌反奠於公所擬公受賜者與授

執散爵者執散爵者乃酌行之與其所唯受

于公者拜卒爵者與以酬士于西階上士升

大夫不拜乃飲實爵乃猶而也○疏曰鄭轉

士不拜受爵大夫就席士旅酌亦理不如此故

如之公有命徹幕則賓及諸公卿大夫皆降

西階下北面東上再拜稽首命徹幕者公意

公命小臣正辭公答拜大夫皆辟升反位升

成拜於將醉正臣禮○疏曰於例臣於堂下

再拜稽首得小臣以君命辭其拜不成當升

成禮今直升不成拜者士終旅於上如初卿

夫降而爵止於其反席卒之○疏曰上文卿

大夫酬辭始酬士公命徹幕公卿以下降而

爵止是以卿大夫升反無筭樂升歌間合無
席士以下相酬而卒之無筭樂次數唯意所
樂宵則庶子執燭於阼階上司宮執燭於西
階上甸人執大燭於庭閤人為燭於門外宵
也燭燠也甸人掌共薪蒸者庭大燭
為其位廣也為作也作燭侯賓出

右無筭爵

賓醉北面坐取其薦脯以降取脯重得奏陔

陔夏樂章也其歌頌類也賓所執脯以賜鐘

人于門內蠶遂出必賜鐘人鐘人以鐘鼓奏

不志樂疏曰按鄉飲酒鄉射賓出無取脯

賜鐘人之事者彼是臣禮此為君法故詳略

同卿大夫皆出從賓公不送臣也與

○疏曰蠶來安燕交歡公入鷲鷲夏亦樂章
若又送之是九禮也也以鐘鼓奏
之其詩今亡此公出而言入者射官在郊以
將還為入燕不鷲者於路寢無出入也○疏
曰按周禮鐘師有九夏皆樂章其中有鷲夏
如陔夏故云亦樂章也天子射在虞庠周之
小學在西郊按鄉射記於郊則閭中鄭注云
諸侯大學在郊是諸侯大夫射所此篇所解多
不具者以其諸侯大夫射先行燕禮大射三
番多依中鄉射是以與禮同者於此不復重釋
也

右賓出公入

大射義第二十六 邦國禮二之下

記

古者諸侯之射也必先行燕禮卿大夫士之

射也必先行鄉飲酒之禮故燕禮者所以明君臣之義也鄉飲酒之禮者所以明長幼之序也言別尊卑老幼而後射以觀德行也故射者進退周還必中禮內志正外體直然後持弓矢審固持弓矢審固然後可以言中此可以觀德行矣內正外直貫於禮樂有德行者也正鵠之名出自此也其節天子以騶虞為節諸侯以貍首為節卿大夫以采蘋為節士以采芣為節騶虞者樂官備也貍首者樂會時也采蘋者樂循法也采芣者樂不失職也是故天子以備官為節諸侯以時會天子

為節卿大夫以循法為節士以不失職為節故明乎其節之志以不失其事則功成而德行立德行立則無暴亂之禍矣功成則國安故曰射者所以觀盛德也騶虞采蘋采芣今詩篇名貍首逸下云曾孫侯氏是也樂官備者謂騶虞曰壹發五犯喻得賢者多也于嗟乎騶虞嘆仁人也樂會時者謂經首曰小大莫覿御于君所樂循法者謂采蘋曰于以采蘋南澗之濱循澗以采蘋喻循法度以成君事也樂不失職者謂采芣曰被之童童夙夜在公射者男子之事也因而飾之以禮樂也故事之盡禮樂而可數為以立德行者莫若射故聖王務焉選士者先德行乃後決之於射男

古者天子之制諸侯歲獻貢土於天子天子
 試之於射宮其容體比於禮其節比於樂而
 中多者得與於祭其容體不比於禮其節不
 比於樂而中少者不得與於祭數與於祭而
 君有慶數不與於祭而君有讓數有慶而益
 地數有讓而削地是以諸侯君臣盡志於射
 以習禮樂夫君臣習禮樂而以流亡者未之
 有也流猶放也書曰流共工于幽州故詩曰曾孫侯氏四正
 具舉大夫君子凡以庶士小大莫處御于君
 所以燕以射則燕則譽言君臣相與盡志於

射以習禮樂則安則譽也是以天子制之而
 諸侯務焉此天子所以養諸侯而兵不用諸
 侯自為正之具也此曾孫之詩諸侯之射節也四正正爵四行也四行者獻賓獻公獻卿獻大夫乃後樂作而射也莫處無不安居其官次者也御猶侍也以燕以射先行燕禮乃射也則燕則譽言國安則有名譽譽或為與○天子將祭
 必先習射於澤澤者所以擇士也已射於澤
 而后射於射宮射中者得與於祭不中者不
 得與於祭不得與於祭者有讓削以地得與
 於祭者有慶益以地進爵紕地是也澤官名也士謂

諸侯朝者諸臣及所貢土也皆先令習射於澤已乃射於射宮課中否也諸侯有慶者先

